


Dienelkander



Nuusbrief van die Gereformeerde Kerk Potchefstroom-Oos

1 Mei 2016

OGGENDDIENS: Ds. Karel

Die doop word vandag bedien aan Adriaan, seuntjie van Joubert en Susan Pretorius. Baie geluk en baie welkom aan familie en vriende.

Skriflesing: Filippense 1:18-26

Teks: Filippense 1:20-21

Tema: Wees met vrymoedigheid en met jou hele wese 'n teleskoop- en mikroskoop-Christen vir Christus!

Vul die spasies vir jouself in: "Om te lewe is vir my _____, en om te sterwe is vir my _____." Paulus gee sy antwoord, sy belydenis, met die woorde van vers 20 en 21. En met hierdie woorde sê hy presies wat sy fokus in die lewe is en waarvoor hy lewe.

Hy sê dan dat sy fokus in die lewe is om Christus te verheerlik. Hy wil vir Christus groot maak met alles wat hy is, het en doen. Maar hoe? Hoekom en hoe kon Paulus dit doen en hoe kan ons dit vandag doen? Kom ons kyk na hierdie twee verse deur antwoorde te soek op die volgende:

- Hoekom kan ons Christus verheerlik?
- Wat beteken dit om Christus te verheerlik?
- Hoe kan ons Christus verheerlik?

Lofprysing ter voorbereiding van die erediens

Sb. 1-2: 1, 2, 3 en Lied 168: 1, 2, 3

Ontmoetingsdiens

Intreelied Ps. 71-1: 1, 12; Votum; Seën; Loflied Sb. 5-3: 1, 4, 5; Geloofsbelydenis: HK Sondag 1 v/a 1; Sing Sb. 12-5

Verootmoedigingsdiens

Wetlesing: Filippense 2: 1-11; Sing Sb. 3-2: 1, 3, 4, 6 (Melodie Sb. 18-6); Gebed

Woorddiens

Doopbediening; Na die doop: Lied 292: 1, 2; Skriflesing; Woordverkondiging;

Antwoorddiens

Gebed; Liefdegawes; Gebed vir Bediening na Buite; Sing Sb. 3-4: 1, 4, 5; Seën; Amenlied Sb 13-2

AANDDIENS: Ds. Karel

Skrifgedeelte: Filippense 1: 27-30

Teks: Filippense 1: 29

Tema: Vind troos in die vreemde bruidskat wat God jou gee!

Toe Paulus hierdie brief aan die gemeente in Filippi geskryf het, was hy in die tronk gewees omdat hy die evangelie verkondig het (vgl. Fil. 1:13). Terwyl Paulus hier in die tronk sit, troos hy onder andere hierdie gelowiges met die boodskap van hierdie brief.

Deel van hierdie troos was om die gemeente te wys op alles wat hulle uit genade van God ontvang het. Deel hiervan was die voorreg, of

die genade, om Christus te dien nie net deur in Hom te glo nie, maar ook deur vir Hom te ly. Watter interessante “bruidskat” is dit nie wat ons Bruidegom vir Sy kerk gee nie? Lyding. Swaarkry. Vervolging. Dit is alles `n genade wat ons van God ontvang!

Lofprysing ter voorbereiding van die erediens

Lied 175:1 en Lied 177:1

Ontmoetingsdiens

Intreelied Lied 169: 1, 2, 3; Seën;
Lofsang Ps. 68-1: 9, 13; Gebed

Woorddiens

Skriflesing; Na Skriflesing: Lied 308: 1, 2, 3, 5;
Woordverkondiging

Antwoorddiens

Dankgebed; Liefdegawes; Sing Sb. 14-4: 1, 3, 4; Seën; Amenlied Sb 13-3.

MEELEWING

- Fanie Bezuidenhout (Groep 18 - 076 160 1884) se gesondheid het baie verswak met nierversaking wat ingetree het. Hy sterk tans tuis aan.
- Odelia Venter (Groep 40 - 083 290 1572) het `n vinnige draai in die hospitaal gemaak. Sy sterk reeds tuis aan.
- Ina Hattingh (Groep 8 - 082 804 4861) se moeder is baie swak en ons bid vir krag en troos.
- Tannie Marietjie Scheepers het verlede week in die Here ontslaap. Die begrafnisreëlings is as volg: Eerskomende Dinsdag om 13:00 by die graf en om 14:00 die troosdiens in ons kerkgebou. Kom ons volhard in gebed om haar naasbestaandes aan die troos van ons Here op te dra!

Ons bid dat die Here spoedig beterskap, herstel en troos sal gee.

ONS VRA VOORBIDDING VIR DIE VOLGENDE LIDMATE WAT SUKSEL MET SIEKTE OF SWAK GESONDHEID

Srs Marianne Kruger, Bettie Ras, Janet vd Walt, Hester Buys, brs. Isak vd Walt, Tjaart Snyman en Fanie Bezuidenhout.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of

Em Volschenk (082 564 1940)

BAIE WELKOM AAN

Nicolaas Erasmus wat met attestaat aansluit vanaf Geref Kerk Pta Brooklyn. Hy is die verloofde van Jorette Schutte, groep 32.

BAIE GELUK

Dirkie en Johanna Venter (Groep 4 - 082 824 1834) se jongste dogter is verlede naweek getroud.

AFKONDIGINGS

Vandag

9:00 Gebedsgroep
09:30 Oggenddiens
Geen Kleuterbediening
Geen Katkisasie
Tee en Koffie
18:00 Aanddiens

Maandag

Openbare vakansiedag

Dinsdag

06:00 Manne ondersteuningsgroep

Woensdag

09:30 Bybelstudie
16:30 Katkisasie Gr. 9
17:15 Katkisasie Gr. 10
17:15 Katkisasie Gr. 11
18:00 Katkisasie Gr. 8
18:30 Gebed & Ondersteuning
19:00 Bybelstudie

Donderdag

18:15 Diakonie: Dagbestuur

19:00 Gesamentlike Hemelvaartdiens
(Moorivier by Die Bult)

VERJAARSDAE

Baie geluk aan almal wat DV hierdie week
verjaar!

Sondag, 1 Mei

Br Jan Bezuidenhout	078 327 2929
Br Johan Markgraaff	082 550 4435
Br Wynand Scholtz	083 607 0596

Dinsdag, 3 Mei

Br Phillip Venter	082 403 2890
-------------------	--------------

Donderdag, 5 Mei

Sr Yvonne Coetsee (84)	082 775 1950
Sr Wilmarie du Plessis	082 820 6577
Sr Marilize v Deventer	082 822 8053

Vrydag, 6 Mei

Sr Ina Jordaan (74)	082 375 7666
Jsr Lara Naude	018 290 9681
Sr Rita Venter	072 260 5082

Saterdag, 7 Mei

Jsr Zara Bezuidenhout	082 335 3304
Sr Alta Marais	084 286 9153
Sr Simonè v Niekerk	083 609 3689

ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die GKSA: Sustentasie.
- Gawe volgende Sondag vir die Emeritusfonds.
- Vrywillige bydrae vir voertuigsekuriteit in die bussies by die deure.
- Diensbeurte: Groep 22 en 23

Ds Piet en Rieëtte is hierdie naweek uitstедig.

FOKUSTYD 2016

Gesinne is kosbare gawes in diens van die Here



Ons jaarlikse fokustyd **begin op Maandag, 9 Mei** en duur tot met Nagmaal op 12 Junie. Ons fokus vanjaar op die wyse hoe God gesinne in sy diens gebruik. Die gemeente is egter ook 'n gesin en ons fokus

ook op die wyse waarop ons hier in die gemeente as geestelike gesin saamleef. Daarom moet enklidmate nie voel dat hulle uit die tema uitgesluit word nie. Elke lidmaat is 'n belangrike gesinslid en ons bede is dat almal saam in die Woord en in gebed sal verdiep.

Die Fokusboekie is elektronies beskikbaar en is op ons gemeente se webbladsy gepubliseer (Kyk by Oosdoppers.co.za onder "Media"). Lidmate kan dit ook per e-pos aanvra vanaf die kerkkantoor. Vir lidmate wat nie toegang hiertoe het nie, is harde kopieë gedruk en dit is by Adele beskikbaar. In die boekie word die werkswyse uiteengesit van dagstukkies gedurende die week, groepsbybelstudies en die weektema word afgesluit met 'n preek op Sondag.

Die volgende temas word bedien:

Week 1: 'n Christus-gesentreerde gesin
Week 2: Leierskap en rolle in die huisgesin
Week 3: Die gemeente as 'n huisgesin
Week 4: Gesinne is 'n plek waar daar van die verlossingdade van die Here vertel word
Week 5: Gesinne is 'n ruimte waarin daar getuienisse na buite gelewer word

Kleingroepe: Indien lidmate/gesinne wat nog nie by aktiewe kleingroepe ingeskakel het nie,

dalk lus het om vir die fokustyd by so 'n groep aan te sluit, kontak asb die predikante om jou/julle daarmee te help.

Mag die Here ons fokustyd ryklik seën.

BESLUIT VAN DIE KERKRAAD OOR VROUE IN DIE AMP VAN OUDERLINGE EN PREDIKANTE

Soos u bewus is, het ons gemeente die afgelope 10 jaar sterk standpunte gestel rakende die aanwending van vroue se gawes in die Kerk van ons Here.

In afwagting op die Buitengewone Sinode van 2016 het die Kerkraad in September 2015 opnuut die Skrifgronde rakende die aangeleentheid bevestig (dokument is ter insae beskikbaar by die Kerkkantoor).

Die Buitengewone Sinode 2016 se besluit het ons as gemeente by 'n bepaalde kruispad gebring. Die Kerkraad het tydens die onlangse vergadering van 17 April 2016 letterlik na elke moontlike scenario en implikasie gekyk, insluitend die moontlike implikasies wat dit vir ons predikante en teologiese studente kan inhou, en die volgende besluite geneem rakende die pad vorentoe:

- § Die Kerkraad bevestig opnuut dat die Skrif geen hindernis op grond van geslagtelikheid plaas vir die roeping, verkiesing en bevestiging tot die amp van diaken, ouderling of predikant in die kerk van die Here nie.
- § Die kerkraad is ook daarvan oortuig dat die saak van die vrou in die amp nie 'n belydenissaak is nie (dit raak nie die wese van ons geloof nie) en daarom word die besluite van die buitengewone Sinode 2016 nie as gewetensbindend beskou nie.
- § Die Kerkraad sal, soos wat die Gees ons lei voortgaan om vrouens se gawes aan te wend om die bedieningsbehoefte van die Gereformeerde Kerk Potchefstroom-Oos aan te spreek.
- § Die Kerkraad is bedag op die sensitiwiteit en moontlike impak om vrouens in die amp van ouderling te

bevestig, en sal die aangeleentheid versigtig benader deur volgehoue gesprek met die Kerkverband asook lidmate van die gemeente. Om hieraan uitvoering te gee is 'n kommissie van die Kerkraad bestaande uit oudle Hans Malan (sameroeper), Chris Venter en Koot van der Walt aangewys om die Kerkraad verder te adviseer; - spesifiek met betrekking tot verdere gesprek met ander gemeentes en om beswaar teen die besluit van Sinode 2016 deur die normale kerklike strukture aanhangig te maak; asook om met ons eie gemeente in gesprek te bly rakende die moontlike roeping van vrouens as ouderlinge.

- § As Kerkraad is dit ons voorneme om nie oorhaastig op te tree nie en gaan ons dus voort om ons bestaande strukture te optimaliseer sodat die ryke skat van gawes in ons gemeente aangewend kan word tot Eer van God.

In praktyk kan dit byvoorbeeld beteken dat ons eers die groepe waar daar nie ouderlinge is nie met groepleiers vul - wat ook vroue kan insluit, en indien die Kerkraad by die punt kom om wel 'n vrou as ouderling te roep, sal die gemeente opnuut daarin geken word.

HOE KWEEK ONS HARTSGESINNE (10) CHRIS VENTER

Kinderdisipline 5

Beloon positiewe gedrag

Ouers moet nie net daarop ingestel wees om negatiewe gedrag by hulle kinders te verminder nie, maar hulle moet ook probeer om goeie gedrag te beloon. As kinders ingestelde reëls goed nakom kan ouers hulle daarvoor vergoed. Voorbeeld: Sannie se kamer is slordig en die ouers besluit om elke oggend 'kamerinspeksie' te doen. As die kamer netjies is – vooraf moet 'netjies' goed gedefinieer word – kan sy 1 punt verdien OF soms selfs 2 punte. Die ouers kan dan na 'n sekere

hoeveelheid punte verdien is vir haar beloon met bv. ekstra sakgeld. Die hoeveelheid punte moet nie vooraf met haar bespreek word nie en soos die beloningsproses aangaan kan hulle die puntstelsel aanpas. Op die manier hou hulle haar op haar tone. Die ouers kan ook soms 'n kind beloon vir goeie gedrag waarop nie vooraf ooreengekom is nie. Voorbeeld: As Pietie hom die oggend verrassend goeg gedra in die dorp kan hy daarvoor beloon word met 'n lekker roomys OF hy kan die aand dalk 'n uur later gaan slaap. Hierdie beloning hoef nie altyd iets fisies te wees nie, want 'n paar mooi waarderende woorde OF 'n drukkies kan net so goed, of selfs beter deur die kind ervaar word.

Behandel jou kind soos jy graag deur hom/haar behandel wil word

Moenie omdat jou kind nie 'n grootmens is nie, hom met minder respek behandel as wat hy/sy verdien nie. Hy/sy is 'n volwaardige mens net soos jy, en nie net maar 'n kind nie. Respekteer sy/ haar gedagtes, woorde en behoeftes, en tree dienooreenkomstig op. Behandel hom/haar met dieselfde respek as wat jy graag van hom/haar af sou wou kry.

(Volgende week: Enkele slotopmerkings oor die kweek van hartsgesinne)

BAIE DANKIE

Die Oosdoppers staan bekend vir hulle liefde. Ons het dit die afgelope Dinsdag weer beleef met die ooievaarstee wat die susters vir Susan aangebied het! Dankie aan elke suster vir Sion se geskenke. Ons weet sommer dat julle hom in julle liefde gaan toe vou! Ook 'n groot dankie aan elke lidmaat wat ons so gereeld vra hoe dit met Susan en Sion gaan en wat al op verskeie geleenthede 'n ietsie vir hom gegee het. Dit is wonderlik om só deur medegelowiges gedra en geondersteun te word!

Ons waardeer julle liefde en omgee opreg. Liefde, Karel en Susan



Die komitee is reeds hard aan die werk met beplanning vir ons jaarlikse Oosdopperfees! Ons hou hierdie jaar **Boeresport, bespreek by Werner en Annelie Pfeiffer 082 902 0972** en nooi groepe

om hiervoor in te skryf en deel te neem, of skryf jou naam op die blad in die voorportaal - kom ons kyk watter groep stap met die louere weg!!!

Ons het soos vorige jare baie hulp nodig en doen 'n beroep op u om die 28ste Mei oop te hou vir die oggend en om te help met al die afdelings se werk en ook te ondersteun.

Ons herinner u ook graag om u Dankbaarheidsvorms en Vleisbestellings so gou as moontlik in te handig.

VLEISBESTELLINGS

Bestelvorms vir vleis is in die voorportaal van die kerk en skuur beskikbaar.

U kan ook in die kerkkantoor vorms afhaal vir bestellings.

Bestellings sluit: 15 Mei 2016

GEMEENTEKAMP

Baie dankie aan lidmate wat saam gekamp en gekuier het. 'n Besondere dankie aan Anna Smith en haar span wat soveel moeite gedoen het met al die reëlings en die naweek vir ons almal so spesiaal gemaak het.

DRINGEND OPSOEK

Ons is dringend opsoek na ons susters se groot urn. Indien enige iemand weet dat dit dalk geleen is en per abuis nog nie teruggebring is nie, vra ons dat dit asb onmiddellik terug gebring word.

MILDE HANDE (Hekel en Brei)



Ons benodig nog hulp en hande vir die brei van kindertruitjies. (10 x 4jr; 10 x 6jr; 10 x 10jr).

Patrone is by Annetjie Vermeulen beskikbaar indien u nie 'n patroon het nie!

Handig voltooide artikels (brei/hekel) in vanaf **26 April - 9 Mei** by Annetjie Vermeulen of die kerkkantoor.

Baie dankie vir almal wat hiermee help!

AMANDELBLOEISELS

Ons nooi u graag uit na 'n heerlike saam-kuier oggend, Woensdag 11 Mei om 10:00. Meer inligting sal volgende naweek deurgegee word.

PAP EN KAIINGFEES: GK VENTERSDORP

Die Gereformeerde Kerk Ventersdorp hou D.V. op Saterdag, 7 Mei weer hulle jaarlikse Pap en Kaiingfees. Vanjaar tree Pieter Koen as gaskunstenaar op en die toegang is gratis! Kom sit aan by ons Plaaskombuisrestaurant en smul aan vingerlekkie pap en kaiings, gevulde pannekoek, heerlike tuisgebak, bobaas sosaties, smaaklike poeding en nog vele meer terwyl die jongspan hulleself besig hou met spinwiel, kettieskiet, 'n fotohoekie, en ander speel-tot-jy-moeg-is-prettighede. Kom bie ook op die veiling vir jou Brahman stoetbul en drie verse!

BYBELSKOOL POTCHEFSTROOM

Die program vir ons Bybelskool die kwartaal is soos volg:

<u>Spreker</u>	<u>Onderwerp</u>
4 Mei Prof Jorrie Jordaan	Hoe moet ons die Bybel lees?
11 Mei Prof Callie Coetzee	Pentakotalisme
18 Mei: Prof Henk Stoker	Ons hantering van verdwaaldes.

Die Bybelskool begin om 18:00 (sesuur) in die kerksaal van Gereformeerde Kerk Potchefstroom en sal 'n uur duur. 'n Donasie van R 10.00 per geleentheid word gevra. Die geld word aangewend om uitgawes te dek en

'n donasie aan die sprekers te gee. 'n Goeie luidspreker sal gebruik word.

KENNISGEWINGBORD

- Woonstel beskikbaar in Groenwilgers aftree-oord vanaf 3 Mei 2016. Vir navrae skakel 018 290 5800 | 082 467 5800
- Cachet Skoolverlaterskamp 3-8 Julie

BEROEPE NUUS

BEROEP ONTVANG

- Ds C Jooste [Christiaan] van Wonderboompoort na Waterberg.

SOSIALE MEDIA VIR ONS GEMEENTE

Webblad: www.oosdoppers.co.za



Facebook:

www.facebook.com/oosdoppers

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

Karel se preke kan ook aanlyn besigtig word by <http://karelsteyn.blogspot.co.za/>



KONTAKBESONDERHEDE: PREDIKANTE

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Susters



TEESKINKGELEENTHEID

Tee word vandag in die Skuur bedien onder die leiding van Marlise Styger (groep 8), Marna Naudè (groep 10) en groep 21.

Volgende week skink Wilma Viviers (groep 11), Kinnie Yssel (groep 12) en Elsie Buijs (groep 22) tee.



Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

SUSTERSBYDRAE

 Die susters se fondse word verkry uit elke suster se vrywillige bydrae (R150 per jaar) en die fondse wat geïen word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

BLIKKIES-WARMHARTE

 Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan.

Baie dankie aan almal wat so getrou vir ons die vol blikkies bring.

KWARTAALPROGRAM

DATUM	DAG	TYD	WIE	WAT
23-27 Mei	Maan-Vry	13:00 en 18:00	Naamlyk	Oosdopperfees - Vleiswerk - etes
28-Mei	Saterdag	09:00	Almal	Oosdopperfees
05-Jun	Sondag	19:00	Blok C	Ouderlingevergadering - verversings
12-Jun	Sondag	12:00	Blok D	Nagmaal & ete
14-Jun	Dinsdag	19:00	Blok A	Sustersamekoms



OOSDOPPERTJIE-NUUS



NUUS UIT DIE BYBELKOERANT

Abram en Lot uitmekaar

BET-EL. - Die bekende grootboer Abram en sy broerskind Lot se paaie het vandeeweek hier geskei.

Die twee het sedert hulle hulle etlike jare gelede uit Mesopotamië in Kanaän tuisgemaak het, bymekaar gebly, maar daar het in die laaste tyd skynbaar onoorbrugbare probleme tussen die twee ontstaan. Die hele aangeleentheid is op die spits gedryf toe daar 'n onverkwiklike rusie tussen Abram en Lot se veewagters ontstaan het oor weiding en waterputte. Harde woorde het geval voordat hulle ooreengekom het om elkeen sy eie gang te gaan.



Stadsvaders hier is verbaas dat Abram toegelaat het dat sy nefie, Lot, wat baie jare sy junior is en tot nog toe onder sy sorg was, verreweg die beste daarvan afgekrom het deurdat hy hom in die vrugbare Jordaanvallei tuisgemaak het. 'n Bron na aan die familie wys egter daarop dat Abram 'n man van vrede is wat tot elke prys spanning wil vermy, selfs ten koste van homself. In 'n kort persverklaring het Abram gesê dat hy as nuweling in Kanaän nie probleme in die land wil veroorsaak nie. "Die prys wat ek moes betaal vir vrede, is eintlik klein" het hy gesê.

Lees hiervan in Gen. 13.

BAIE DANKIE AAN ONS BORG VAN DIE WEEK!



Sanet Ras Prokureurs

**OPSTEL VAN TESTAMENTE.
BEREDDERING VAN BOEDELS.
ALLE EIENDOMSTRANSAKSIES.**

Van Riebeeckstraat 101, Potchefstroom
Tel: (018) 294-8953 k/u